

Ngā Tohutohu mō te Whāinga 7: Kia kaha te waihanga

Hangaia tētahi tauira whakamātau tākirirangi!

E hanga ai koe i tētahi hoahoa tākirirangi pakari, me whakaaro e koe ngā ture a Niutana me te koutatanga.

Ngā ture a Niutana:

Hei whakarāpopoto, koinei ngā ture kua ako nei koe:

Te ture tuatahi a Niutana

Ka noho ngū tonu tētahi mea (kāore e neke ana), ka pūmau tonu rānei te tere me te ahunga tōtika ki te kore e pākia e tōpana kē.

Te ture tuarua a Niutana

Ko te tōpana = te papatipu x te whakaterenga

Koutatanga:

Ko te ako tenei mo te ahua o te neke haere a te hau takiwa i tetahi mea. Ka pa te koutata o tetahi takirirangi ki te ahua o tona rere.

Kia tahuri koe ki te hanga i tetahi tauira whakamātau e koutata ana, e wha nga take hei manatu mau:

1. Te tinana o te tākirirangi

Me koutata te tinana o te tākirirangi, nā te mea:



Me pai te āhua o tō ipu matua. Kia kaua tō ipu e whai pukupuku, puare rānei, ā, me whakaaro koe me pēhea e maene ai, e piko anō ai.

2. Te ihu koeko

Mā tētahi ihu koeko e pai ake ai te rerenga, i te mea:



Ka taea e koe tetahi ihu koeko te hanga ki tetahi atu ipu waireka. Tapahia noatia a runga o tētahi atu ipu, ā, tāpirihia ki te take o tō ipu matua. Ko tēnei upoko o tō tākirirangi.

I mohio ranei koe, ehara i te mea me whakapiri koe i te ihu koeko ki te takirirangi? I te whakarewanga, ma te pehanga hau e pumau ai te noho o te ihu koeko. He tino awhina tenei mena koe ka mate ki te panoni I te hoahoanga o to takirirangi hei whakapai ake i te rerenga.

3. Te horapatanga a-taumaha

Ka pūmau ake te tākirirangi ina:



Ka taea ranei e koe tetahi mea te tapiri ki te tihi o te ihu koeko e taumaha ake ai taua wahanga?

4. Nga pakihau

Mā ngā pakihau e pai ake ai te rerenga, i te mea:

Me raweke koe:

- I te ahua o nga pakihau
- Me te nui o nga pakihau
- I te rahi o nga pakihau
- Ngā rawa

Hangaia tētahi anga ā-pakihau

Mā te whakamahi i ngā akoranga mō te koutatanga me ngā ture a Niutana, tāia, whakaahuatia rānei tētahi anga ā-pakihau mō tō tākirirangi.

Me whakamātau koe ki te whakamahi i ō mātauranga hou ki te whakapai ake i tō hoahoa ā-pakihau mai i Whāinga 6.

Kāti rā, e te rōpū ātea! Kua rite koutou ki te hanga i tō tauira tākirirangi tuatahi.

Karawhiua!